

I Z V O D

IZ ZAPISNIKA SA REDOVNE GODIŠNJE SKUPŠTINE UDRUŽENJA

koja je održana dana 21.05.2017. godine sa početkom u 14,00 sati u Lovačkom domu Vidovići

Skupštini je prisustvovalo 20 od ukupno 27 delegata koji su imali pravo učešća u skladu sa Statutom Udruženja. Opravdano odsutan Predsjednik Skupštine, ostali delegati nisu najavili izostanak.

Obzirom da je Predsjednik Skupštine Limo Omer podnio neopozivu ostavku na to mjesto i najavio da neće prisustvovati ovoj Skupštini Predsjednik Udruženja Čurt Mirsad je otvorio Redovnu godišnju Skupštinu Udruženja i predložio da se Skupština izjasni o ostavci Predsjednika Skupštine.

Svi prisutni delegati su jednoglasno donijeli Odluku da se usvaja ostavka Predsjednika Skupštine Limo Omera i jednoglasno za vršioca dužnosti Predsjednika Skupštine do održavanja narednog zasjedanja Skupštine iz reda delegata jednoglasno je izabran Hajlovac Adis, koji je odmah preuzeo predsjedavanje Skupštinom.

VD Predsjednik Skupštine Hajlovac Adis zahvalio se prisutnim na ukazanom povjerenju i predložio sljedeći :

D N E V N I R E D

1. IZBOR RADNIH TIJELA

- a) Radno Predsjedništvo4 člana
- b) Zapisničara i ovjerivača zapisnika2 člana
- c) Verifikacionu komisiju3 člana
- d) Komisiju za zaključke3 člana

2. IZVJEŠTAJ VERIFIKACIONE KOMISIJE

3. IZVJEŠTAJ O RADU ORGANA SKUPŠTINE

- a) Izvještaj o radu Upravnog odbora Udruženja
- b) Izvještaj Komisije za provedbu Plana gospodarenja lovištem
- c) Izvještaj Komisije za kinologiju
- d) Izvještaj Tužioca Udruženja
- e) Izvještaj Disciplinskog suda Udruženja
- f) Finansijski izvještaj za 2016. godinu
- g) Izvještaj Nadzornog odbora Udruženja

4. DISKUSIJA PO IZVJEŠTAJIMA I USVAJANJE ISTIH

5. USVAJANJE PRIJEDLOGA IZMJENA I DOPUNA STATUTA

6. USVAJANJE PLANA GOSPODARENJA LOVIŠTEM ZA LOVNU 2017./2018. GODINU

7. USVAJANJE FINANSIJSKOG PLANA I NAKNADA ZA LOVNU 2017./2018. GODINU

8. PRIJEDLOZI ZA PRIZNANJA, ODLIKOVANJA I POČASNA ZVANJA

9. DODJELA SAVEZNIH PRIZNANJA

Dnevni red je usvojen jednoglasno, nakon čega se prešlo na realizaciju istog .

Ad1. Izbor radnih tijela.

Predsjedavajući Skupštinom Hajlovac je za izbor radnih tijela predložio sljedeće :
Radno predsjedništvo Hajlovac Adis, Čurt Mirsad, Smajić Azem i Dedić Dževahid .
Zapisničar Šečo Arif, a ovjerivač zapisnika Hajlovac Adis.
Verifikaciona komisija Mostić Ibrahim, Begić Zakir i Šatara Admir .
Komisija za zaključke radno predsjedništvo .
Prijedlozi su usvojeni jednoglasno .

Ad2. Izvještaj verifikacione komisije

Verifikaciona komisija je ustanovila da je na sjednici prisutno 20 delegata od ukupno 27 koji su imali Pravo učešća u skladu sa Statutom Udruženja tako da Skupština Udruženja može punopravno nastaviti sa radom i donositi sve punovažne odluke.

Ad3. Izvještaj o radu organa Skupštine.

- a) Izvještaj o radu Upravnog odbora Udruženja podnio je Predsjednik Upravnog odbora Čurt Mirsad.
- b) Izvještaj Komisije za provedbu plana gospodarenja lovištem nije podnešen jer Glavni lovovoda kao predsjednik Komisije i odgovorna osoba za isti nije ni prisustvovao Skupštini Udruženja.
- c) Izvještaj Komisije za kinologiju nije podnešen jer Glavni kinolog kao predsjednik Komisije i odgovorna osoba za isti nije ni prisustvovao Skupštini Udruženja.
- d) Izvještaj Disciplinskog Tužioca Udruženja nije podnešen jer Tužilac nije prisustvovao Skupštini Udruženja.
- e) Izvještaj Disciplinskog suda je podnio je predsjednik ovog organa Čurt Nusret
- f) Finansijski izvještaj poslovanja Udruženja za 2016. godinu je bio podnešen u materijalima.
- g) Izvještaj Nadzornog odbora podnio je predsjednik ovog organa Hajlovac Adis .

Ad4. Diskusija po izvještajima .

Nakon što su podnešeni svi izvještaji o radu organa Skupštine Udruženja, Predsjedavajući Skupštine Hajlovac otvorio je diskusiju po izvještajima nakon čega su svi podnešeni izvještaji usvojeni jednoglasno i donešen jednoglasan zaključak da Skupština Udruženja nalaže Glavnom lovovodi, Tužiocu Udruženja i Glavnom kinologu da u roku 15 dana dostave svoje pismene izvještaje o radu u skladu sa Statutom.

Također usvajanjem Izvještaja Nadzornog odbora Skupština Udruženja je potvrdila i donošenje Odluke o provođenju disciplinskog postupka protiv Kurgaš Refika i suspenziji do okončanja postupka.

Ad5. Usvajanje prijedloga izmjena i dopuna Statuta

Predsjedavajući Skupštine je dao na diskusiju predložene izmjene i dopune Statuta. Kako nije bilo diskusija prešlo se na usvajanje istih.

Prijedlozi iz sekcije Poriječani su usvojeni sa 12 glasova ZA i 8 glasova PROTIV.

Prijedlozi grupe lovaca iz sekcije Moštre su usvojeni sa 17 glasova ZA, 1 glas PROTIV i 2 glasa SUZDRŽAN.

Skupština je na prijedlog sekcije Visoko II razriješila dužnosti dosadašnjeg člana Upravnog odbora ispred navedene sekcije Halilbegović Dženana i imenovala novog člana na njegovo mjesto Halilbegović Emira. Također je potvrđeno imenovanje još jednog delegata iz sekcije Poriječani koja je stekla pravo u skladu sa Statutom.

Novoformirane sekcije Moštre-1 i Moštre-2 će po utvrđenom spisku, svaka imati po 4 delegata u Skupštini Udruženja i po jednog člana Upravnog odbora koje trebaju izabrati po Zaključku.

Skupština Udruženja je uz navedene izmjene i dopune Statuta donijela i dva zaključka po pitanju ove tačke dnevnog reda :

ZAKLJUČAK-1:

Zadužuju se sekcije Moštre-1 i Moštre-2 da u roku 15 dana održe svoje Zborove i izvrše izbor organa u sekciji i predlože predstavnike u organe Udruženja u skladu sa Statutom Udruženja i dostave podatke Predsjedniku Udruženja koji će iste uvrstiti u izmjene i dopune u skladu sa Statutom.

Nakon dostavljanja navedenih podataka Skupština Udruženja ovlašćuje V.D. Predsjednika Skupštine da utvrdi ispravnost prijedloga u skladu sa Statutom Udruženja te donese u ime ovog organa posebnu Odluku o njihovom imenovanju u organe Udruženja.

ZAKLJUČAK-2:

Zadužuje se Upravni odbor Udruženja da u roku 60 dana formira Komisiju za Statut koja bi detaljno i temeljito pripremila sve izmjene i dopune Statuta uzimajući u obzir prijedloge svih članova Udruženja koji su zainteresovani da iste dostave, a kojim bi se otklonile sve manjkavosti i nedostaci kao i tehničke greške postojećeg Statuta u skladu sa pozitivnim zakonskim propisima.

Voditi računa o stručnosti članova Komisije iz oblasti lovnog zakonodavstva.

Izmjene i dopune Statuta uskladiti sa postojećim zakonskim propisima koji tretiraju sve što je vezano za rad i funkcionisanje našeg Udruženja.

Ad6. Usvajanje plana gospodarenja lovištem za 2017./2018. godinu.

Svi delegati su putem materijala upoznati sa prijedlogom plana gospodarenja lovištem za 2017./2018. godinu. Kako nije bilo diskusija po ovoj tački dnevnog reda Skupština Udruženja je predloženi Plan gospodarenja lovištem za 2017./2018. godinu usvojila jednoglasno.

Ad7. Usvajanje finansijskog plana i prijedloga naknada za 2017./2018. godinu.

Svi delegati su putem materijala upoznati sa prijedlogom finansijskim planom i prijedlogom naknada za 2017./2018. godinu. Kako nije bilo diskusija po ovoj tački dnevnog reda Skupština Udruženja je prijedlog finansijskog plana i prijedlog naknada za 2017./2018. godinu usvojila jednoglasno.

Ad8. Prijedlozi za priznanja, odlikovanja i počasna zvanja .

Skupština Udruženja je donijela odluku kojom ovlašćuje Upravni odbor da utvrdi i usvoji konačan prijedlog za dodjelu priznanja i odlikovanja zaslužnim članovima Udruženja u skladu sa odredbama Statuta i važećeg Pravilnika.

Ad9. Dodjela saveznih priznanja i odlikovanja

Svim nagrađenim članovima Udruženja priznanja i odlikovanja uručio je član Upravnog odbora SLOuBiH Dlakić Jasmin.

Predsjednik Udruženja je svim sekcijama uručio po jedan primjerak lovno-gospodarske osnove.

Skupština Udruženja završena u 15,00 sati !

OVJERIVAČ ZAPISNIKA

HAJLOVAČ ADIS



ZAPISNIČAR

ŠEĆO ARIF

